

INTRODIUSUM WAN NIU FALA KAEN RI IUSEBOL NAPI LONG VANUATU HEMI WAN TRAEI STADI

Januari 2021


Vanuatu I safa long tufala twin emejensi long klaemet jens mo polusen blong plastik. Hemi bin dimonstretem global lidasip, long 2018 Gavman blong Vanuatu I inisietem wan steij ban blong oli nomo usum ol difren kaen "single-use" plastik, inkludum ol single-use disposebol daeba.

Komunikesen ejensi blong Savvy Vanuatu, sosol enta praes Mamma's Laef Vanuatu, mo bigfala intanasonal kampani blong ri iusebol napi we hemi Bambino Mio oli kam tugeta blong mekem wan trael long ol ri iusebol napi we Mamma's Laef hemi krietem spesifikli blong ol famili long Vanuatu. Wetem prodaksen blong ol moden ri iusebol napi Mamma's Laef I eim blong helpem mo sapotem ban weh gavman blong Vanuatu hemi plan blong mekem, mitim ol nid blong ol lokal komuniti, katemdaon polusen, mo sevem mani blong ol famili.

Mamma's Laef hemi mekem trael long ol napi wetem trifala komuniti long Efate: Pango, Eratap mo Eton. I gat 59 patisipan we wanwan long


Disposebol daeba hemi mekem

27%
BONG OL TOTI
LONG VANUATU



olgeta I risivim edukesen mo gat fri napi trael paks blong kavremap tufala wik blong trael. Ol patisipan oli bin go tru long sevei bifo mo afta long trael blong asesem ol ius blong disposebol daeba mo karem ol tingting blong olgeta abaot disposebol daeba, tradisinal napkin mo moden ri iusebol napi blong Mamma's Laef.

Beis long ol risal blong stadi, hemi luk olsem Vanuatu I stap usum 7 milian disposebol daeba long wan yia, mo namba ya ino inkludum ol famili we oli yusum ol disposebol daeba pat taem mo olgeta we ol turis I karem I kam insaed long Vanuatu. Bigfala namba blong ol famili oli



7 Vanuatu
hemi yusum
7 milian
DISPOSEBOL DAEBALONG WAN YIA




laekem tumas napi blong Mamma's Laef mo oli bin talem se bae oli pem. Rison we ol man ino save pem hemi from se I sas pitim disposebol daeba mo tradisinal napkin. Mekem se ol patisipan i aknoledjem nomo se ol ri iusebol napi I moa jip from yu saveh yusum long longfala taem mo bitim ol disposebol daeba. Fiu pipol I bin aedentifaem se blong hemi drae hariap I kam olsem wan problem, igo wetem saes blong napi I no fitim ol

96%
LONG OL PATISIPAN OLI LIKEM
TUMAS NAPI BLONG MAMMA'S
LAEF VANUATU



85%
OLI TALEM SE BAE OLI PEM NAPI
BLONG MAMMA'S LAEF



bebe blong olgeta. Nogat inaf wota o givim plante taem blong wasem ino wan bigfala problem taemoli yusum ol napi blong Mamma's Laef, iven long ol rural eria.

Stadi ya I talemaot se blong yusum ri iusebol napi blong Mamma's Laef raon long Vanuatu bae hemi karem strong sapot long ol lokal komuniti. Blong mekem I wok gud, Gavman blong Vanuatu I mas tingting strong blong katemdaon ol ius blong polusen blong plastik, mo afta sapotem mo leftemap lokal indastri, krietem ol lokal wok, mo katemdaon ol impot we I kam ovasi.

Riplemen blong single-use disposebol daeba wetem ol napi blong Mamma's laef long Vanuatu bae I sapotem 13 long UN Sastenebol Developmen Gol mo tu bae hemi laen wetem Vanuatu 2030: Bigfala tingting mo ol gol blong Vanuatu 2030: Pipol's Plan polisi, Espeseli Blu – Grin Ekonomik Growth (Gol Invaeromen 2), Kwaliti Helt Kea (Gol Sosaeti 3), mo Krietem Ol Janis Blong Wok mo Bisnes (Gol Ekonomi 4).

Ol rikomendesen blong Gavman blong Vanuatu:

- Dvelopem wan rodmap blong wok tugeta wetem ol stekholda we bae I save provaedem mo givim wan kliat taemlaen mo asurens long pipol, mo katem daon ius blong ol daeba.
- Wok wetem ol dona mo ol patna blong karemaot wan edukesen program blong napi raon long Vanuatu.
- Introdusum wan skim blong Bebi Box wetem napi blong Mamma's Laef.
- Mekem wan risej mo planem wan fasen blong impruvum gudfala praktis blong haejin.
- Faenemaot ol faenensol strakja blong sapotem ol arenjmen blong mekem ol ri iusebol napi hemi isi blong pem.

Narafal infomesen:

Savvy Vanuatu hemi wan long ol komunikesen mo maketing ejensi we I beis long Port Vila, Vanuatu.
www.savvyvanuatu.com
lisa@savvyvanuatu.com

Mamma's Laef Vanuatu hemi wan lokal mo lid sosol entapraes we hemi manufakjarem mo salem ol ri iusebol haejin prodak truat long Vanuatu.

www.mammaslaef.com
belinda@mammaslaef.com

Bambino Mio hemi wan intanasonal mo malfi – awod wining produsa blong ol moden ri iusebol napi.

www.bambinomio.com
hello@bambinomio.com

© Bambino Mio 2021

